

CHANDAKATADZA CHII?



Cleopas Bhamu

CHANDAKATADZA CHII?

VOLUME 1

A story by

Cleopas Bhamu

0786 529 922

bhamucleopas9@gmail.com

Cover page designed by

Leoz Design

0772 450 931

ZVIRIMUKATI(CONTENTS PAGE)

Chitsauko	Page
-----------	------

<u>Mashoko ekutenda</u>	<u>3</u>
<u>Chitsauko1</u>	<u>4</u>
<u>Chitsauko2</u>	<u>15</u>
<u>Chitsauko3</u>	<u>29</u>
<u>Chitsauko4</u>	<u>36</u>
<u>Chitsauko5</u>	<u>64</u>
<u>Chitsauko6</u>	<u>70</u>
<u>Chitsauko7</u>	<u>81</u>
<u>Mamwe mabhuku kubvakuCBbooks</u>	

Mashoko ekutenda

Ndinoda kutenda vese vakandibatsira pandainyora rungano rwangu kubvira kunaamai vangu, baba, Arnold naAlison nekushanda semaeditor angu.

Ndinoda kutenda vatsigiri vese vebhuku rino nekuti ndivo vanoita kuti ndienderere mberi.

Ndinoda kuzotenda Leoz Desigs nekundigadzirira ma cover pages.

CHITSAUKO 1

Kupindirwa nematsotsi

Munongondinyomba zvenyu muchinditi ndiri chirema asi handina kuzvisarudza. Handina kuzvarwa ndakaremara. Sekai urema mafa hamawee. Ndakatozoremara ndatokura. Izvi zvakaitika mushure mechimwe chiitiko chandisingakanganwe. Baba naamai vaive vaenda kwaambuya ini ndokusara ndega pamba. Zvakaitika sekudai;

Sezvo ndaive ndasara ndega pamusha hazvina kunditorera nguva kuti ndipedze kubika. Ko kubika chikafu chemunhu mumwechete kunombononoka here? Zvakanga zvasangana nekuda kukasika kuti ndinyatsoona runhare rwangu rwandainge ndave nenguva refu ndisati ndambobata.

Pandakapedza kudya kunze kwainge kuchangoti svibei. Sezvo pakanga pasina wekutandara naye ndakaenda zvangu kunorara. Ndakapinda mugota rangu ndokugara pamubhedha wangu kwave kutanga kutekenya runhare rwangu.

Ndakaenda pa**wattsup** ndokuona tsamba dzaiita kudururwa murunhare rwangu. Ndaidakunyatsoona kuti vanhu vaiti kudii pamavhiki maviri andakanga ndapedza ndisingataure nevanhu nekuda kweurwere. Ndakanga ndapedza svondo mbiri ndichirwara nezino. Zvekutaura nevanhu vekuchikoro kwedu parunhare ndainge ndambotsveta pasi.

Ndakaona tsamba zhinji dzaive dzakanzi **MOTIVATION** nemavara makuru dzandisina kuverenga. Ndakazoona imwe yaive yabva kunaTimoti yaive yakanzi “,wavakugona **answering technique** here? Ini ndakapinda mumag**roup** akawanda **eGeo**.” Ndakaona dzimwe tsamba zhinji dzaTimoti dzandisina kuverenga dzaainyora mibvunzo achiipindura.

Ndakamboda kuverenga imwe tsamba yaive yakanzi **ONLINE VIRTUAL LESSONS** asi handina chandakanzwisisa nekuda kwehope. Ndakatoita zvekuvhunduka ndadonhedzera runhare rwangu pamubhedha. Ndakabva ndangopinda mumagudza ndokurara zvangu.

Ndichingoti isei matama pasi ndakanzwa kuti dhi dhi dhi mazimitsindo achiuya pedyo. Hana yangu yakati mwau vhudzi ndiye nyau–nyau. Ndakamuka ndokugara pamubhedha murima. Mushure menguva pfupi–pfupi ndakanzwa mitsindo yopararira nemusha wese. Zano rakauya mupfungwa dzangu ndokutanga kunyahwira ndakananga kuhwindo.

Ndisati ndapeura mucheka waivepo kuti ndione zvaive panze ndakanzwa hwindo rogogodzwa zvinesimba. Ndakatya kudavira sezvo izwi rangu raizonditengesa zvikazivikanwa kuti vabereki vaisavepo. Ndakanga ndave nemakore gumi nesere ekuberekwa.

Ndakarangarira mufundisi wekusvondo kwedu aitura achiti “, usati waita chero chaunoda kuita paupenyu, tanga wanamata Mwari. Ukaita sekudaro unoona zvinhu zvichikufambira zvakanaka.” Mumwoyo mangu ndakanyatsogutsikana kuti nguva yandaive ndiyo yaida kudanwa Musiki.

Pakarepo ndakagwadama pasi ndokutsinzinya. Ndakatanga kunyengetera nezwi rizere kutya;

“Ishe Jehovha Samasimba.

Ndinoziva ndimi mupi wevanoshaya.

Kuine rima ndimi chiedza chevatendi.’

“Ndimi makanunura Dhanyeri mugomba reshumba.

Ndimi makaburitsa Pauro mutirongo

Ndimi makaita kuti Misheki naAbhedhinigo vasatsve nemoto.

Tarirai ndavingwa nechikara pamukova.’

“Ishe ndinochemera simba renyu guru kwazvo.

Riya ramakaraidza valsiraeri pamberi paFaraoh

Hondo yaFaraoh mukaidzivisa kuyambuka gungwa.

Ko ini ndachema nezita renyu zvinokonewa nei?

Ameni.”

Pandakapedza kunamata zvakanga zvatowedzera. Dai pasina kuti taive takavakira kure nedzimwe dzimba pamwe ndaigona kutarisira rubatsiro kubva kuvavakidzani.

“Ndiani?” Shoko iri rakaita zvekupoya mukanwa mangu.

Ndakanzwa kuti pane zvataurwa nekazeve– zeve asi handina kunzwa kuti zvaive zvanzi kudii. Ndakanyahwaira ndakananga kuhwindo rekumberi uko ndakasvikopeura mucheka waivepo kuti ndidongorere.

Ndakaona panze paine varume vatatu vaive vakapfeka nguwo refu, dziri nhema, dzaisvika kutsoka. Mumwe airova–rova pagonhi apo mumwe wavo akamuvhenekera nemwenje unenge weparunhare. Mumwe wavo ndakaona akamira nechekure achiita seaitarisa vanhu vaigona kungosvika pamba pedu panguva iyi.

Kubvira makore maviri aive apfuura taiti kukaitika nhamo, manyaradzo kana gungano ripi zvaro, raida kuti tinge tiriko imba yese, taisaenda tese. Vamwe waitanga kuenda vamwe vachizotevera. Vanenge vaenda kana vadzoka vamwe vozoendawo. Izvi zvaikonzerwa nekutya kubirwa kwataiita. Taiti tikaenda tese chete kumba kwaisara kuchibiwa. Izvi zvaisaitikakumasha chete asi nekumba yababa yekuHarare zvaitikawo. Kumba yekuHarare kwaigara Mukoma Peter vachiita zvidzidzo zvavo zvemagetsi kuHarare Polytechnic. Mukoma Peter vaiti vakabva pamba vachidzoka kumusha pavaizodzokera vaiwana kuHarare kwabiwa. Imba yedu yekuHarare ndiyo yaishanyirwa nembavha kupinda dzimwe dzese dzemuWaterfalls maigara Mukoma Peter.

Imba yedu yekumusha yaive yakavakirwa kure nedzimwe dzimba. Kubva pamba pedu kuenda pamba pemuvakidzani wedu aive pedyo kupinda vamwe, paigona kusvika kiromita imwe(1kilometer).

Mumhuri medu taive takamira sekudai; mumba manababa maive nevana vaviri, babamukuru BaHonest nababa. Sekutaurwa kwazvinoitwa zvinonzi paive nemumwe musikana aive gotwe mumba manababa. Uyu musikana ainziTariro. Tete Tariro vakashaya vachiri murugwaro rwechina rwepuraimari(grade 4) kureva kuti isu hatina kumbobvira takavaona. Baba nababamukuru ndivo vakakura kusvika pakutoitawo mhuri dzavo. Pakanga pasati papera makore matatu kubva parufu rwababamukuru.

Mazuva avaive vachiri vapenyu, babamukuru vaive mutengesi wemuchitoro chenyama. Chitoro chacho chavaisevenzera chaive chidiki saka mari yavaitambira yaive shoma–shoma. Sekuru naambuya vaive vachembera zvekuti hapana zvavakanga vachiri kukwanisa kuita kunze kwekupihwa mari yechekudya nechekupfeka nababa.

Vana vababamukuruwo Mukoma Tendai naMukoma Honest taisamboona zvisvinu zvavaiita. Mukoma Honest vaive vakaenda kunyika iri kumadokero kweZimbabwe mugore ra2005 havana kuzodzoka. Havana kuzochaya runhare kana kunyora tsamba zvayo. Ukuwo Mukoma Tendai

waishaya kuti vainyatsoita nezvei. Vaigona kuuya kumba nhasi vozodzoka kuswera mangwana. Kwavanenge vaenda hapana aiziva. Taingoita zvekufungira kuti pamwe amai vavo ndivo vaiziva asi vasingade kutiudza.

Baba vakamboshanda naMukoma Tendai kwemavhiki maviri chetevachida kuti Mukoma Tendai vawane chingavararamise.

Mushure memavhiki maviri Mukoma Tendai vakaramba basa vachinyunyuta pamusoro pekusashandidzana zvakanaka kwavaiita nababa. Pavakadzoka takanzwa voti “, kana basaracho richiita zvekunzwaro zvirinani kugara zvangu ndisina kana cent(muzana) muhomwe. Ndakati ndichisvika pabasa pachu, babamudiki vakabva vakwira kumusoro-soro zvepfini chaizvo ndokunditi ndivakandire dhaga vari ipapo. Ndakakanya dhaga rangu kwava kunoiti foshoro kudai wanike rese ivhu radonha risati rasvika. Ndakanzwa vopopota kuti ndaitambisa simende. Hongu kwavaive ndakazenge ndogona kukusvitsa dhaga paizopera muswere ndaizwa kuti musana wangu unenge waita serenganya chairo. Hamheno kuti ndiwo manyunyu acho here andaiitwa ipapo. Haaa kunyange nhamo ikandisvuura zvakadii kubasa ikoko handidzokere."

Baba vaive bhiridha asi ndivo vaiwana mari yakawanda kudarikayaiwanikwa nababamukuru. Baba vaive vakatovakawo imba muguta reHarare mazuva avaive vachiri kusevenza paimwe kambani yaiita nezvekuvaka kuHarare ikoko. Imba iyi ndiyo yaigarwa naMukomaPeter.

Call 0786529922 / 0719305957 kuti muwane bhuku chairo.